

NÜXĨRAÜXÜ GA POPERA GA TECHARÓNICAWA YEXMAGÜXÜ GA YAXŌGÜXÜTANÜWA NAMUXÜ GA PAURU

*Pauru rü nüxü narümoxê ga yema yaxôgüxü ga
Techarónicawa yexmagüxü*

¹ Pa Toeneëgü i Techarónicawa Ngêxmagüxü i Tanatü ya Tupana rü Tórü Cori ya Ngechuchu ya Cristuarü Duüxügü Ixīgüxüx, choma i Pauru rü namaã i taeneë i Chiribánu rü Timutéu nixĩ i pexcèx tanaxümatüxü i ñaã popera. Rü tanaxwèxe i Tanatü ya Tupana rü tórü Cori ya Ngechuchu ya Cristu pexü narüngüxêê rü pexü nataãêxêê.

*Meãma nayaxôgü ga yema Techarónicawa yex-
magüxü rü yemaãcü wüxi ga cuèxruü ga mexü nixīgü*

² Rü torü yumüxêwa rü guxüguma pexna tacuèxãchigü, rü pexcèx Tupanana moxê taxã. ³ Rü guxüguma i ngêxguma Tanatü ya Tupanamaã tidexagügu, rü taguma nüxü itayarüngümaê na ñuxâcü meã peyaxôgüâcüma penaxüxü i Tupanaârü puracü, rü ñuxâcü nüxü pengechaügüâcüma togüxü perüngüxêêxü. Rü taguma nüxü itayarüngümaê na ñuxâcü aixcüma meã ípenanguxêêxü ya tórü Cori ya Ngechuchu ya Cristu rü ngêmacèx yaxna namaã pexĩnüê i ngêma ngúxü i ñuxma pingexü. ⁴ Pa Chaueneëgüx, Tupana pexü nangechaü, rü nüxü tacuèx rü nümatama nixĩ ga pexü nadexü. ⁵ Rü yexguma

pemaã nüxŭ tixuxgu ga Tupanaãrŭ ore i tŭxŭ maxẽxẽẽxŭ, rŭ tama toechama tidexagũmare, yerŭ Tupanaãẽ i Üünexŭ toxŭ narüngŭxẽẽ na norŭ poramaã pemaã nüxŭ tixuxŭ. Rŭ meã nüxŭ tacuáãcũma pemaã nüxŭ tixu ga yema ore yerŭ toõẽwatama nüxŭ tacuèx na aixcũma yĩxŭ. Rŭ pematama nüxŭ pecuèx ga ñuxãcũ meã pepẽxewa na tamaxẽxŭ ga yexguma na yemaãcũ pexŭ tarüngŭxẽẽgũxũcèx. ⁶ Rŭ pema rŭ meãma penaxŭgũ ga yema pexŭ tangúexẽẽxŭ rŭ yema tŭxŭ nangúexẽẽxŭ ga tórŭ Cori ya Ngechuchu. Rŭ Tupanaãẽ i Üünexŭ pexŭ taãẽxẽẽãcũma penayauxgũ ga yema ore ga woo yemacèx poraãcũ ngúxŭ na pingegũxŭ. ⁷ Rŭ yemaãcũ ga pema rŭ wŭxi ga cuèxruŭ ga mexŭ pixĩgũ naxcèx ga guxũma ga yema yaxõgũxŭ ga Machedóniããnewa rŭ Acayaanewa yexmagũxŭ. ⁸ Rŭ yema na peyaxõgũxũgagu rŭ tórŭ Cori ya Ngechuchuarŭ ore rŭ guxũwama ninguchigũ. Rŭ ngẽmacèx i ñuxma rŭ Machedóniããnewa rŭ Acayaanewa rŭ guxũwama nüxŭ nacuèxgũ na ñuxãcũ meã Tupanaãxŭ peyaxõgũxŭ. Rŭ ngẽmacèx marŭ taxucèxma tũxcũ i toma rŭ namaã nüxŭ tixu i ngẽma ore i mexŭ i pechiga. ⁹ Erŭ nŭmagũtama i ngẽma duũxũgũ rŭ marŭ nüxŭ nixugũgũ ga ñuxãcũ ga pema rŭ meã toxŭ na peyauxgũxŭ ga yexguma petanũwa taxĩxgu. Rŭ nüxŭ nixugũgũ ta ga ñuxãcũ nüxŭ na perũxoexŭ ga perŭ tupanenetachicũnèxãgũ na Tupanaxũchi ya maxũcũ rŭ ixaixcũmacũwe perũxĩxũcèx rŭ nüxŭ pepuracũexũcèx. ¹⁰ Rŭ nüxŭ nixugũgũ ta na ñuxãcũ aixcũma ípenanguxẽẽxŭ na wenaxãrŭ

daxŭwa ne naxŭxŭ ya Ngechuchu ya Tupana Nane ga yuwa ínadxēēācŭ. Rŭ yima Ngechuchu nixŭ ya tŭxŭ ínguxŭxēēcŭ nŭxna i ngēma poxcu i āŭcŭmaxŭ tá ínguxŭ.

2

Pauruarŭ puracŭ ga Techarónicawa

¹ Pa Chaueneēgŭx, rŭ pematama nŭxŭ pecuèx rŭ tama natŭcèxmamare nixŭ na pexŭtawa taxŭxŭ.

² Rŭ pema nŭxŭ pecuèx rŭ naxŭpa ga pexŭtawa na tangugŭxŭ rŭ chixri tomaã nachopetŭ ga Pirípucŭăxgŭ rŭ tomaã naguxchigagŭ. Natŭrŭ Tupana toxŭ narŭngŭxēē na pemaã nŭxŭ tixuxŭcèx ga norŭ ore i tŭxŭ maxēxēēxŭ. Rŭ yemacèx tama tamuŭēācŭma pemaã nŭxŭ tixu ga yema ore woo ga torŭ uwanŭgŭ rŭ poraācŭ toxŭ na naguxchaxēēgŭăxŭ. ³ Rŭ yexguma pemaã nŭxŭ tixuxgu ga yema ore, rŭ tama ítatŭeācŭma pemaã nŭxŭ tixu. Rŭ tama chixexŭ pemaã taxŭgŭchaŭācŭma rŭ tama pexŭ tawomŭxēēgŭchaŭācŭma pemaã nŭxŭ tixu ga yema ore. ⁴ Yerŭ Tupana nixŭ ga toxŭ unetacŭ rŭ toxŭ mucŭ na pemaã nŭxŭ tixuxŭcèx ga norŭ ore i mexŭ i tŭxŭ maxēxēēxŭ. Rŭ yemacèx Tupana naxwèxexŭācŭma pemaã nŭxŭ tixu ga yema ore. Rŭ tama duŭxŭgŭxŭmare na tataāxēēgŭxŭcèx pemaã nŭxŭ tixu, natŭrŭ nŭxŭ tixu na Tupanaxŭ tataāxēēgŭxŭcèx. Rŭ nŭma ya Tupana nixŭ i tŭxŭ nacuáxŭ rŭ tŭxŭ nadauxŭ rŭ nangugŭăxŭ i ngēma nagu rŭxŭnŭēxŭ. ⁵ Rŭ pema nŭxŭ pecuèx rŭ taguma pepēxewa pexŭ ticuèxŭŭgŭ na toga pexŭnŭēxŭcèx, rŭ taguma pexŭ

tawomüxëëgü na ngĩxũ tayauxgüxũcèx ga perü dīeru. Rū Tupana nixĩ ya toxũ daucü na taguma yemaãcü na tanaxüxũ. ⁶ Rū taguma naxcèx tadaugü na duũxũgü toxũ icuèxüũgüxũcèx, rü woo i pema rü bai i togü i duũxũgü. ⁷ Rū woo Cristutama toxũ namu na yaxõgüxũãrũ ãëxgacügü na tixĩgüxũ natürü tama ñoma wüxi ga ãëxgacürüũ pepewa tixĩgü. Natürü meãmare pemaã itacuèx, ñoma wüxi i mamá i ngĩãcügüna meã dèuxcürüũ pemaã tixĩgü. ⁸ Rū poraãcü pexũ tangechaũ, rü yemacèx pemaã nüxũ tixu ga Tupanaãrũ ore. Rū tama yemaxicatama pexna taxãxchaũ ga yexguma. Natürü marü itamemare ta ga pexcèx na tayuexũ, yerü poraãcü pexũ tangechaũgü. ⁹ Pa Chaueneëgüx, pema nüxũ pecuèx ga ñuxãcü poraãcü na tapuracüexũ na torü õnacèx tataxegüxũcèx. Rū ngunecü rü woo chütacü tapuracüe na taxúeaxũma wüxi ga guxchaxũ tixĩgüxũcèx ga yexguma petanüwa tayexmagügu rü pemaã nüxũ tixuxgu ga Tupanaãrũ ore. ¹⁰ Pa Duũxũgü i Tupanaãxũ Yaxõgüxũ, pema nixĩ ga toxũ pedaugüxũ rü Tupana rü ta toxũ nadau ga ñuxãcü meã na tamaxëxũ ga petanüwa, rü ñuxãcü taxuũma ga chixexũ na taxüxũ ga yexguma. ¹¹ Rū pema nüxũ pecuèx ta ga ñuxãcü pexũ na tanangüchaũxëëxũ. Rū yexguma pengechaũgügu, rü pexũ tataãëxëëgü ñoma wüxi i papá i naxãcügüxũ taãëxëëgüxũrũ. ¹² Rū ñuxma na Tupanaãrũ pixĩgüxũ, rü pexũ taxucuxëgü na meã naxcèx pemaxëxũ. Rū nüma nixĩ i pexcèx nangemaxũ na ngextá ãëxgacü íyĩxũwa pengugüxũcèx na ngema mexũwa

pengẽxmagũxcèx. ¹³ Rũ ngẽmacèx guxũguma pexcèx Tupanana moxẽ taxã, yerũ yexguma noxri nũxũ pexĩnũẽgu ga yema norũ ore ga pemaã nũxũ tixuxũ, rũ meã penayauxgũ, yerũ nũxũ pecuèxgũ rũ aixcũma Tupanaãrũ ore nixĩ rũ tama duũxũgũarũ oremare nixĩ. Rũ yema ore nixĩ ga naxũchicũũxũ ga perũ maxũ ga yexguma peyaxõgũgu. ¹⁴ Pa Chaueneẽgũx, nũxũ tacuèx na ñuxãcũ ngúxũ pingegũxũ yerũ petanũxũgũtama pexchi naxaie rũ chixri pemaã nachopetũ. Natũrũ yemaãcũtama nũxũ nangupetũ ga Tupanaãrũ duũxũgũ ga Ngechuchu ya Cristuaxũ yaxõgũxũ ga Yudeaanewa yexmagũxũ. Yerũ natanũxũgũtama ga Yudíugũ rũ chixri namaã nachopetũ. ¹⁵ Rũ yema Yudíugũ nixĩ ga tórũ Cori ga Ngechuchuxũ imèxgũxũ, yexgumarũũ ga norũ oxigũ rũ nuxcũmaũgũxũ ga Tupanaãrũ orearũ uruũgũxũ na nadèixũrũũ. Rũ yema Yudíugũ nixĩ ga towe ingẽxũtanũxũ. Rũ Tupanamaã rũ guxũ i duũxũgũmaã narũxuwanũgũ. ¹⁶ Rũ ngẽxguma ngẽma duũxũgũ i tama Yudíugũ ixĩgũxũmaã nũxũ tixuxchaũgu i Tupanaãrũ ore na nũmagũ rũ ta nũxũ nangẽxmagũxcèx i maxũ, rũ ngẽma Yudíugũ rũ toxna nanachuxu. Rũ ngẽmaãcũ i ngẽma Yudíugũ rũ poraãcũxũchima chixexũ naxũgũ. Rũ ngẽmacèx i ñuxma rũ dũxwa marũ nũxna nangu i ngẽma Tupanaãrũ poxcu i ãũcũmaxũchixũ.

*Pauru rũ nũxũ nangúchaũ na wenaxãrũ
natanũwa naxũxũ ga yema yaxõgũxũ ga
Techarónicawa*

yexmagũxũ

17 Pa Chaueneëgũx, yexguma pexna ítixĩxguwena, rü woo tama pexũtawa na tayexmagũechaxũ, natürũ guxũguma pegu tarũxĩnũẽ, rü poraãcü toxũ nangũchaũ na pexũtawa taxĩxũ na wenaxãrũ pexũ ítayadaugũxcèx. 18 Rü aixcũma ngẽma taxĩxchaũ. Rü chomatama i muẽxpũxcũna rü chanaxwèxe na ngẽma pexũtawa taèx chaxũũxũegaxũ natürũ ngoxo i Chataná rü guxũguma toxũ nanaguxchaxẽẽ na tama ngẽma taxĩxcèx. 19 Natürũ pexũ ítayadaugũchaũãma erũ ngẽxguma wenaxãrũ núma naxũxgu ya tórũ Cori ya Ngechuchu ya Cristu rü ¿tècũcèx tá nixĩ i Tupanapẽxewa tataãëgũxũ i tomax? Rü aixcũma pewa tá nixĩ i ítananguxẽẽxũ na tomaã nataãẽxũ ya Tupana. Rü pema tá nixĩ i torũ taãẽ pixĩgũxũ. Rü pegagu tá nixĩ i aixcũma togũmaãtama tataãëgũxũ i napẽxewa. 20 Rü ngẽmaãcü pegagu nixĩ i togũmaãtama tataãëgũxũ, rü pema nixĩ i torũ taãẽ pixĩgũxũ.

3

1 Rü yema na taxuacũma ñuxãcü wenaxãrũ petanũwa na chaxũxũ, rü düxwa nagu charũxĩnũ na Atenagutama na charũxãũxũ. 2-3 Rü pexũtawa chanamu ga taeneẽ ga Timutéu na pexũ íyadauxũcèx. Erũ nũma nixĩ i Tupanaãrũ puracũtanũxũ i wũxigu namaã tapuracũexũ na tanaxunagũxcèx i ngẽma ore i mexũ i Cristuchiga. Rü ngẽma petanũwa chanamu na pexũ nangũxẽẽxũcèx na yexeraãcü peyaxõgũxcèx rü aixcũma petaãëgũxcèx rü ngẽmaãcü taguma texé i petanũwa nüxũ rüxoxũcèx ega tacũ rü guxchaxũ pexũ ngẽxmagu. Erũ

pematama marü nüxŭ pecuèx na guxãma i yixema na yaxôgŭxŭ rŭ ngúxŭ tá tingegŭ. ⁴ Rŭ yexguma petanüwa tayexmagŭgu rŭ marü pemaã nüxŭ tixu na ngúxŭ tá pexŭ ũpetŭxŭ. Rŭ pema marü nüxŭ pecuèx na aixcŭma yemaãcŭ pexŭ nangupetŭxŭ. ⁵ Rŭ yemacèx ga yexguma marü tama namaã chaporagu ga yema tama paxa pechigaxŭ na chacuáxŭ, rŭ yemacèx dŭxwa Timutéuxŭ yéma petanüwa chamu na pexna yaçaxŭcèx ngoxi meã ípeyaxôgŭama i Tupanaärü ore. Yerü chaxoegaãe rŭ bexmana ngoxo i Chataná rŭ chixexŭgu pexŭ nayixêe, rŭ chi ngêmaãcŭ yixŭgu, rŭ natŭcèxmamare chi nixŭ ga pemaã nüxŭ tixuxŭ ga Tupanaärü ore. ⁶ Natŭrŭ ñuxma na ínanguxŭ i Timutéu na petanüwa ne naxŭxŭ, rŭ mexŭ i ore i pechiga ngema ne nange. Rŭ tomaã nüxŭ nixu na ñuxãcŭ meã peyaxôgŭxŭ, rŭ ñuxãcŭ guxãma meã pegŭ pengechaŭgŭxŭ. Rŭ tomaã nüxŭ nixu ta na ñuxãcŭ guxŭguma toxŭ pengechaŭgŭãcŭma togu perŭxŭnŭxŭ, rŭ ñuxãcŭ poraãcŭ wena toxŭ pedaugŭchaŭxŭ rŭ ngexgumarŭxŭ ta i toma rŭ toxŭ nangúchaŭ na wena pexŭ tadaugŭchaŭxŭ. ⁷ Rŭ ngêmacèx, Pa Chaueneêgŭx, rŭ woo guxchaxŭ toxŭ na ngêxmaxŭ rŭ ngúxŭ na tingegŭxŭ, rŭ poraãcŭ toxŭ nataãêxêe i ngêma pexŭ na tacuáchigaxŭ na meã ípemaxêxŭ rŭ meã peyaxôgŭamaxŭ. ⁸ Rŭ ñuxma na nüxŭ tacuáchigaxŭ na aixcŭma meã tórŭ Coriaxŭ peyaxôgŭamaxŭ, rŭ poraãcŭ tataãegŭ. ⁹ ¿Rŭ ñuxãcŭ tá Tupanana moxê taxã naxcèx i ngêma taãe i taxŭ i toxna pexãxŭ? Erŭ aixcŭma pegagu nixŭ i toxŭ nangêxmaxŭ i wŭxi i taãe i taxŭ i napêxewa.

10 Rŭ ngunecŭ rŭ chŭtacŭ rŭ tayumŭxĕgŭ, rŭ Tupanana naxcĕx tacagŭ na petanŭwa toxŭ nawoeguxĕĕxŭcĕx na wena pexŭ tadaugŭxŭcĕx rŭ pexŭ tarŭngŭxĕĕgŭxŭcĕx na yexeraācŭ nŭxŭ peyaxŭgŭxŭcĕx. 11 Rŭ poraācŭ tanaxwĕxegŭ na Tanatŭ ya Tupana rŭ tŕrŭ Cori ya Ngechuchu ya Cristu toxŭ natauxchaxĕĕxŭ na wena petanŭwa itayadaugŭxŭcĕx. 12 Rŭ tanaxwĕxegŭ na tŕrŭ Cori ya Ngechuchu pexŭ rŭngŭxĕĕxŭ na yexeraācŭ pegŭ pengechaŭgŭxŭcĕx rŭ guxŭ i duŭxŭgŭxŭ na pengechaŭgŭxŭcĕx, ngĕxgumarŭŭ i toma rŭ poraācŭ pexŭ na tangechaŭgŭxŭrŭŭ. 13 Rŭ tanaxwĕxegŭ na tŕrŭ Cori ya Ngechuchu pexŭ rŭngŭxĕĕxŭ na peāĕwa rŭ aixcŭma meā peyaxŭgŭxŭcĕx rŭ norŭ duŭxŭgŭ i aixcŭma mexŭgŭ na pixĭgŭxŭcĕx rŭ na nataxuxŭcĕx i perŭ pecadugŭ i napĕxewa ya Tanatŭ ya Tupana i ngĕxguma wena nŭma naxŭxgu ya tŕrŭ Cori ya Ngechuchu ya Cristu namaā i guxŭma i norŭ duŭxŭgŭ. Rŭ tanaxwĕxe na ngĕmaācŭ yŭŭxŭ.

4

Maxŭ i Tupanaxŭ taāĕxĕĕxŭchiga

1 Rŭ ñuxma Pa Chaueneĕgŭx, rŭ tŕrŭ Cori ya Ngechuchuĕgagu pexŭ tacĕĕxŭ rŭ pexŭ tamu na guxŭguma Tupanacĕx meā pemaxĕxŭ yema pexŭ tangŭxĕĕxŭrŭŭ rŭ ñuxma marŭ penaxŭxŭrŭŭ. 2 Pema rŭ marŭ nŭxŭ pecuĕx ga yema torŭ ucŭxĕgŭ ga tŕrŭ Cori ya Ngechuchu toxŭ muxŭ na pexŭ tangŭxĕĕxŭcĕx. 3 Rŭ Tupana nanaxwĕxe na aixcŭma namexŭ i perŭ maxŭ rŭ naxcĕxicatama na pemaxĕxŭ. Rŭ tama name i chixri pemaxĕ i

napěxewa rü to i ngexŭgümaã pengẽãẽgümare.
⁴ Rü wüxichigü tanaxwèxe na aixcüma tûmamèxŭ
 tangechaŭxŭ, rü ngĩmaãĩcatama na tamaxŭxŭ.
⁵ Rü tama name i ngĩxŭ na pecuáxchaŭmarexŭcèx
 ngĩmaã pexâmèx i wüxi i nge erü ngẽmaãcü
 namaxẽ i ngẽma duŭxŭgü i tama Tupanaãxŭ
 yaxõgŭxŭ. ⁶ Rü tama name i texé ngĩmaã tamaxŭ
 i naxmèx ya tûmaẽneẽ. Erü yexgumarüŭ ga
 marü pemaã nüxŭ tixuxŭrüŭ, rü Tupana tá
 poraãcü tüxŭ napoxcu ya guxâma ya yíxema
 ngẽmaãcü maxẽxẽ. ⁷ Erü Tupana tüxŭ nade na
 meã imaxẽxŭcèx rü tama chixexŭ ixŭgŭxŭcèx.
⁸ Rü ngẽmacèx ega texé tama naga ñnügu i ñña
 nguxẽẽtaegü, rü pemaã nüxŭ chixu rü tama
 wüxi i duŭxŭga nixĩ i ngẽma nüxŭ taxoxŭ, natürü
 Tupanagatama nixĩ i nüxŭ taxoxŭ. Rü guma nixĩ
 ga pexna namücü ga Naãẽ i Üünexŭ. ⁹ Rü ngẽma na
 pegü pengechaŭgŭxŭchiga, rü taxucèxma pexcèx
 chanaxümatü i poperawa. Yerü Tupanatama
 marü pexŭ nangúexẽẽ i ngẽma na ñuxãcü aixcüma
 pegü pengechaŭgŭxŭ. ¹⁰ Rü aixcüma nixĩ i
 guxŭguma meã nüxŭ pengechaŭgŭxŭ i guxŭma
 i taeneẽgü i Machedóniããnewa ngẽxmagŭxŭ.
 Natürü, Pa Toeneẽgŭx, pexŭ tacèexŭgü na
 yexeraãcü meã nüxŭ pengechaŭgŭxŭcèx.
¹¹ ¡Rü meã pegü pengechaŭgŭ, rü pexrütama
 maxŭgu perŭxĩnũẽ, rü tama i togüarü maxŭgu!
 ¡Rü pematama naxcèx pepuracüe i perü
 ngẽmaxŭgü yema marü pemaã nüxŭ tixuxŭrüŭ!
¹² Rü ngẽxguma ngẽmaãcü pemaxëgu, rü
 ngẽma duŭxŭgü i tama yaxõgŭxŭ rü tá pexŭ
 nangechaŭgŭ, rü taxuŭtáma pexŭ nataxu.

Ñuxãcü tá nixĩ i ngẽxguma nataegugu ya tórü Cori

¹³ Pa Chaueneẽgũx, rü ñuxma rü tá pexũ nüxũ chacuẽxẽẽ i ngexta tá naxĩxũ i ngema yaxõgũxũ i yuexũ na ngemaãcü tama pengechaũgũxũcèx naxrũxũ i ngema tama nüxũ cuèxgũxũ na wena tá namaxẽxũ i ngema yuexũ. ¹⁴ Erü yixema na yaxõgũxũ na nayuxũ rü wena namaxũxũ ga Ngechuchu, rü ngẽxgumarũũ ta tayaxõgũ na Tupana tá ínadagũxẽẽxũ i guxũma i ngẽma Ngechuchuaxũ yaxõgũãcüma yuexũ. ¹⁵ Rü ngẽmacèx pemaã nüxũ tixu i ngẽma ore ga tórü Cori ya Ngechuchu namaã nguxẽẽtaexũ. Rü ngẽxguma wena núma naxũxgu ya tórü Cori ya Ngechuchu rü yixema na imaxẽxũ i ñoma i naãnewa rü tãütáma yixira napẽxe taxĩ i ngẽma yuexũ. ¹⁶ Erü nümatama ya Cori ya Ngechuchu rü daxũwa tá ínarũxĩ, rü tá nangẽxma i wüxi i naga i taxũ i daxũwa inaxũxũ i tüxũ muxũ, rü tá nüxũ taxĩnüẽ i Tupanaãrũ orearũ ngeruũgũarũ ãẽxgacü i tagaãcü daxũwa icagũxũ, rü tá yacuegũxũ ya Tupanaãrũ corneta. Rü ngẽxguma i ngẽma yuexũ i Cristuaxũ yaxõgũxũ rü tá ínarũdagũ. ¹⁷ Rü ngẽmawena i yixema na imaxẽxũ rü Tupana tá wüxigu caixanexũgu tüxũ nigagũ namaã i ngẽma duũxũgũ i yuwa írũdagũxũ. Rü ngẽmaãcü tá daxũgu tórü Cori ya Ngechuchuxũ tayangaugũ na guxũgutáma naxũtawa ingẽxmagũxũcèx. ¹⁸ Rü ngẽmacèx chanaxwèxe i ñaã oremaã pegũ petaãẽxẽẽgũ.

5

¹ Natürü, Pa Chaueneẽgũx, rü ngẽma norü ngunexũ rü taunecü i tá nagu nangupetũxũ i ngẽma pemaã nüxũ chixuxũ, rü taxucèxma pexcèx

chanaxümatü i ngēmachiga. ² Erü pematama meã nüxŭ pecuèx rü ngēma ngunexŭ i taxúema nagu ínanguxēēxŭgu tá nixĩ i ínanguxŭ ya tórü Cori ya Ngechuchu. Rü ñoma wüxi i ngītèxáxŭ i ngürüächi chütacü ínguxŭrüŭ tá nixĩ. ³ Rü ngēxguma duŭxŭgü nagu íruxĩnŭēgu na guxŭma na mexŭ rü taxuŭma na nüxŭ üpetŭxŭ, rü ngēma ngunexŭgügu rü tá ngürüächi nagux i guxŭma. Rü ñoma wüxi i ngecü i āxācücü rü ngürüächi ngīxācūmaã nguxnecacürŭŭ tá nixĩ na taxúema naxchaxwa iñaxŭ i ngēma. ⁴ Natürü pemax, Pa Chaueneēgŭx, rü marü meãma nüxŭ pecuèx i Cristuarü nguchiga. Rü ngēmacèx taxucèxma ngürüächi pexŭ ínayabaixgü ya Cori ya Ngechuchu ñoma wüxi i ngītèxáxŭ tüxŭ íbaixgŭxŭrüŭ. ⁵ Erü guxāma i pema rü Tupanaärü duŭxŭgü pixīgü, rü ngēmacèx ngóonexŭwa pengēxmagü rü meãma nüxŭ pecuèx na ñuxācü meã pemaxēxŭ. Rü yixema rü tama Chatanaärü duŭxŭgü tixīgü, rü ngēmacèx tama ēānexŭwa tangēxmagü rü tama tanaxü i ngēma chixexŭ i ēānexŭwa üxŭ. ⁶ Rü ngēmacèx tama name i taechita tamaxēmare naxrüŭ i ngēma duŭxŭgü i tama yaxōgŭxŭ. Rü name nixĩ i taxuāēgü, rü meã taāēgu tarŭxĩnŭē. ⁷ Erü ngēma duŭxŭgü i naēchitamare maxēxŭ rü ñoma duŭxŭgü i chütacü peexŭrüŭ nixīgü. Rü ngēma duŭxŭgü i axegŭxŭ rü chütacü nixĩ i nŭgü nangāxēēxŭ. ⁸ Natürü i yixema rü ngóonexŭwa tangēxmagü, rü ngēmacèx tanaxwēxe i guxŭguma taxuāēgü. Rü name nixĩ i aixcūma meã Tupanaāxŭ tayaxōgü, rü yigü tangechaŭgü, rü meã ítananguxēē na Tupana tüxna naxāxŭcèx i ngēma maxŭ i taguma gúxŭ.

Rü ngēxguma ngēmaācū imaxēgu, rü ngēmaācū tá yigū itapoxŭ i ngēxguma Chataná chixexŭgu tūxŭ yixēēchaŭgu. ⁹ Erū Tupana rü tama tūxŭ nade na tūxŭ napoxcuexŭcèx, natürü tūxŭ nade na tórü Cori ya Ngechuchu ya Cristugagu nayauxgŭxŭcèx i maxŭ i taguma gúxŭ. ¹⁰ Rü Ngechuchu ya Cristu rü taxcèx nayu na wūxigu namaā imaxēxŭcèx i daxŭguxŭ i naānewa. Rü nüetama ega woo marü iyuyane íanguxgu rü ēxna imaxēyane íanguxgu, erü daxŭguxŭ i naānewa rü wūxiwa tá namaā tamaxē. ¹¹ Rü ngēmacèx, Pa Chaueneēgŭx, rü name nixī i wūxichigū pegū petaāēxēēgŭ rü pegū peporaexēē i perū ōwa ngēxgumarŭŭ i ñuxma na marü ípenaxŭgŭxŭ.

Pauru rü nayaxucŭxēgŭ ga yema yaxōgŭxŭ

¹² Pa Chaueneēgŭx, pexŭ tacèxŭgŭ na nüxŭ pengechaŭgŭxŭcèx i ngēma taeneēgŭ i petanüwa puracŭexŭ rü pemaā icuēxgŭxŭ rü pexŭ ngúexēēxŭ i Cori ya Ngechuchuarü ore. ¹³ Rü name nixī i namaā petaāēgŭ rü aixcūma meā nüxŭ pengechaŭgŭ i ngēma taeneēgŭ, erü nümagŭ nixī i pexŭ nangŭxēēgŭxŭ. Rü name nixī i pegŭ pengechaŭgŭācūma pemaxē. ¹⁴ Rü pemaā nüxŭ tixu ta na penaxucŭxēgŭxŭ i ngēma duŭxŭgŭ i oexŭ i tama pura-cüechaŭxŭ. ¡Rü nüxŭ penangŭchaŭxēēgŭ i ngēma duŭxŭgŭ i marü nüxŭ rüxoechaŭxŭ na yaxōgŭāxŭ! ¡Rü nüxŭ perüngŭxēēgŭ i ngēma duŭxŭgŭ i turaexŭ i norü ōwa! ¡Rü name nixī i yaxna namaā pexīnūē i guxŭma i ngēma taeneēgŭ! ¹⁵ Rü ngēxguma texé chixexŭ pemaā ŭxgu, rü tama name i chixexŭmaā penataeguxēē. ¡Natürü name nixī

i naxcèx pedau na guxũguma mexũ pexũgũxũ
 i pegũtanũwa rũ ngema togũtanũwa rũ ta! ¹⁶ Rũ
 name nixĩ i guxũguma petaãẽgũ. ¹⁷ ¡Rũ guxũguma
 peyumũxẽgũ! ¹⁸ ¡Rũ woo tacũ pexũ ngupetũgu,
 rũ Tupanana moxẽ pexãgũ! Erũ ngẽmaãcũ
 nanaxwèxe ya Tupana na pemaxẽxũ i pema i
 Ngechuchu ya Cristuarũ duũxũgũ na pixĩgũxũ.
¹⁹ Rũ tama name i nũxũ pexoe i Tupanaãẽ
 i Üünexũ. ²⁰ Rũ tama name i nũxũ pexoe i
 Tupanaãrũ ore ega texéwa pemaã yadeaxgu ya
 Tupana. ²¹ Natũrũ name nixĩ i meãma penangugũ
 i guxũma i oregũ na nũxũ pecuáxũcèx rũ ngoxi
 aixcũma yĩxũ i ngẽma ore rũ ěxna tama. ¡Rũ
 ngẽma ore i aixcũma mexũxĩcatama pixõgũ! ²² ¡Rũ
 nũxna pixĩgachi i nagũxũraũxũ i chixexũgũ! ²³ Rũ
 chanaxwèxe i nũmatama ya Tupana ya tũxũ
 taãẽxẽcũ pexũ imexẽẽ na aixcũma napẽxewa
 pimexũcèx. Rũ chanaxwèxe i guxũwama pexna
 nadau i peãẽwa rũ pexenewa na nataxuxũcèx
 i tacũ i perũ chixexũ i ngẽxguma wenaxãrũ
 nũma naxũxgu ya tórũ Cori ya Ngechuchu ya
 Cristu. ²⁴ Rũ nũma ya Tupana ya pexũ decũ rũ
 nixaixcũma na yanguxẽẽãxũ i guxũma i ngẽma
 tamaã inaxunetaxũ.

*Pauru rũ wenaxãrũ yema duũxũgũxũ narũmoxẽ
 rũ naxcèx ínaca na Cori ya Ngechuchu ya Cristu meã
 nũxũ rüngũxẽẽxũ ga*

yema yaxõgũxũ

²⁵ Pa Chaueneẽgũx, ¡Toxcèx peyumũxẽgũ! ²⁶ Rũ
 chanaxwèxe i chauégagu nũxũ perũmoxẽgũ i
 guxũma i taeneẽgũ. ²⁷ Rũ Cori ya Ngechuchuéagu
 pexũ chamu na guxũ i taeneẽgũpẽxewa na nũxũ

pedaumatüxŭ i ñaã popera i pexcèx ngema
chamuxŭ. ²⁸ Rŭ chanaxwèxe i tórŭ Cori ya
Ngechuchu ya Cristu pexŭ narüngŭxêê i guxãma i
pemax.

Rŭ nuãma pexna,
Pauru

Tupanaarü Ore i Tórü Cori ya Ngechuchu ya Cristuchiga

New Testament in Ticuna (PE:tca:Ticuna)

copyright © 2008 Wycliffe Bible Translators, Inc.

Language: Ticuna

Translation by: Wycliffe Bible Translators, Inc.

Ticuna

tca

Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ticuna

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022

9d5dc22a-30be-5d26-85a9-76047f4c89e6